

Тўйчиев А. – ТМИ доценти, и.ф.д.
Якубов М. - ТМИ катта ўқитувчisi

ЗАМОНАВИЙ КОРХОНАЛАР БИЗНЕС-ЖАРАЁНЛАРИ САМАРАДОРЛИГИНИ БАҲОЛАШДА ОПЕРАЦИОН АУДИТНИНГ АҲАМИЯТИ

Мақолада корхоналар бизнес-жараёни самарадорлигини баҳолашда операцион аудитнинг тутган ўрин ва унинг мақсадлари кўриб чиқилган. Ўрганилган ҳолатлардан келиб чиқиб муаллифлар томонидан операцион аудит қамраб оладиган масалалар ва уни ташкил этиш, ўтказишида хориж тажрибасини қўллаш тартиби келтирилган.

Таянч сўзлар: операцион аудит, бизнес-жараёнлар, самарадорлик, тежамкорлик, унумдорлик,

В статье рассмотрены место и цели операционного аудита в оценке эффективности бизнес-процессов современных компаний. По результатам исследования авторы представляют масштаб и зарубежный опыт проведение операционного аудита.

Ключевые слова: операционный аудит, бизнес-процессы, эффективность, производительность, экономичность

In the article is being described the role and the objectives of the operational audit in the evaluation of effectiveness of the business-processes of modern companies. According to the study authors shows the scope and foreign experience of conducting an operational audit.

Keywords: operational audit, business-process, effectiveness, efficiency, economy

Мамлакатимиз иқтисодиётида туб ўзгаришларни амалга ошириш, модернизация ва диверсификация қилиш жараёнларини изчил давом эттиришга катта эътибор қаратилмоқда. Айнан шу жараёнларда аудиторлик фаолиятида олиб борилаётган ислоҳотлар муҳим аҳамият касб этади. Аудиторлик ташкилотлари фаолиятининг замон талаблари асосида ривожланишининг характерли жиҳати шундан иборатки, улар хўжалик юритувчи субъектларни фақатгина молиявий ҳисботларини текшириш билангина чегараланиб қолмайди. Натижада аудиторлик хизматлари бозори янада кенгаяди ва аудитнинг янги шакллари пайдо бўлишига замин яратилади.

Ўзбекистон Республикаси Биринчи Президентининг 2015 йил 24 апрелдаги 4720 – сонли “Акциядорлик жамиятларида замонавий корпоратив бошқарув услугларини жорий этиш чора – тадбирлари тўғрисида”ги Фармони ижросини таъминлаш мақсадида халқаро тажрибани чуқур таҳлил қилиш ва шу асосида замонавий корпоратив бошқарув услугларини жорий этиш, ишлаб чиқариш, инвестиция, моддий – техник, молиявий ва меҳнат ресурсларидан фойдаланиш самарадорлигини оширишга катта эътибор қаратилмоқда[1]. Мазкур ҳолатлардан келиб чиқиб, қўйида корпоратив бошқарувга асосланган

замонавий корхоналарнинг бизнес-жараёнлари самарадорлигини баҳолашда операцион аудитнинг аҳамияти ҳақида тўхталиб ўтамиз.

Корпоратив бошқаруви замонавий моделларининг шаклланиши акциядорлик жамиятлари фаолиятининг самарадорлигини ошириш ва инвестицияларни жалб қилишнинг зарурый шарти ҳисобланади. Мавжуд тадбиркорлик тузилмаларида молиявий, шу жумладан инвестицион оқимларнинг ҳаракатини ташкил этишда корпоратив бошқаруви бўйича қарама қаршиликларнинг юзага келиши, эски бўлинмалар ва лавозимларнинг тугатилиши, замонавий халқаро стандартлар ва бозор иқтисодиёти талабларига мос янги бўлинма ва лавозимларни жорий этилиши, шунингдек, бошқарувнинг ишлаб чиқариш – хўжалик фаолиятини самарали ташкил этишга тайёр бўлмаслиги каби муаммоларга дуч келинади. Мазкур ҳолатда, корхона ривожланиши учун раҳбарият олдида бизнес жараёнларни қайта ташкил этиш билан боғлиқ босқичларни амалга ошириш вазифаси туради. Айнан шундай вазиятларда аудитнинг шаклларидан бири бўлган операцион аудит ўз функцияларини муваффақиятли амалга оширади.

Ривожланган мамлакатлар тажрибаси шуни кўрсатадики, хўжалик юритувчи субъект фаолиятини ўрганишда аудит ўтказиш жараёни, агарда унда таҳлил элементлари қўлланилмаса самарали восита сифатида қаралиши мумкин эмас. Операцион аудитнинг асосий мақсади айнан корхона фаолияти самарадорлигини комплекс баҳолаш, унинг молиявий ҳолати ва рентабеллигини башорат қилиш ҳамда яхшилаш бўйича амалий таклифларни ишлаб чиқиши ҳисобланади.

“Операцион аудит” тушунчаси ички аудиторлар назарида турли хил кўринишларда намоён бўлади. Ушбу тушунча қўйидаги мазмундаги хатти ҳаракатларни ифодалашда қўлланилиши мумкин:

- Биринчидан, ишлаб чиқариш цехи, омборхона, шўъба корхонаси, хорижий операцион бўлинма ва хоказолар кўринишидаги операцион бўғинлар аудити. Бир вақтнинг ўзида, аудиторлик текширув кўлами бухгалтерия ҳисоби, молиявий ва бошқарув назоратларини қамраб олиши, шунингдек, текширув кўламини бошқарув ва операцион назоратларни, рискларни бошқариш ҳамда назорат остидаги операцион бўғинларнинг бошқариш жараёнларни қамраб олиш мақсадида кенгайтирилиши ҳам мумкин.

- Иккинчидан, бизнеснинг исталган қисми (операцион бўлинма, функционал қисм, блок, бўлинма ёки бизнес жараёнлар ва ҳоказо)нинг аудити. Бу ерда операцион аудитнинг асосий мақсади корхона бошқаруви ўз мақсадларига эришишда қўлланиладиган тежамкорлик, унумдорлик ва самарадорликни ўрганиш ҳисобланади.

Қўйидаги расмда операцион аудит ўтказиш билан ҳал этиладиган вазифаларнинг баъзи кўринишларини келтиришимиз мумкин.



1-расм. Операцион аудит амалга оширадиган масалалар¹.

Юқорида келтирилган вазифалардан келиб чиқиб аудит ўтказиш жараёнида қуидагиларни ўрганиш мақсадга мувофиқдир:


- бошқарув тизимини, унинг тузилиши, функциялари, бошқарув билан боғлиқ бизнес – жараёнларни, технология ва бизнес–операцияларни;
- ишлаб чиқариш тизимини, унинг тузилишини, бизнес– жараёнларни ва шу тизим доирасидаги бизнес–операцияларни;
- ахборот тизимини, унинг ташкил этилиши ва тузилишини, бизнес жараёнлар ва информацион технологияларни;
- хўжалик юритувчи субъект фаолиятининг ривожланиш стратегияси, унинг бизнес–режаси ва мақсадли дастурларини;
- хўжалик юритувчи субъект фаолиятининг самарадорлигини ошириш имконини берувчи бошқа жиҳатларни.

Операцион аудитда бутун аудит жараёни бўйича корхона бошқарув мақсадлари энг муҳим омил деб қараладиган ёндашув, самарали ёндашув дейилади. Агарда аудитор фақат “Нима нотўғри амалга оширилган?” қаби мазмундаги саволлардан фойдаланса корхона бошқарувига ёмон таъсир кўрсатиши мумкин, аксинча “Бошқарувда белгилаган мақсадларга эришиляптими?” кўринишдаги саволларга кўпроқ мурожаат этса корхона бошқарувига ижобий таъсир кўрсатади. Мақсадли бошқарув нафақат кераксиз операцияларни бартараф этиш бўйича жавобгарликни олади, балки унинг асосий вазифаси қўйилган мақсадларга эришиш ҳам ҳисобланади[2].

Ички аудиторларнинг бошқарув тизимиға фойдаси тегиши учун “самарадорлик” (effectiveness), “унумдорлик” (efficiency) ва “тежамкорлик” (economy) тушунчаларининг фарқини англаши лозим. Хорижий тажрибадаги бу

¹ Муаллифлар томонидан ишлаб чиқилган

уч Е's тушунчаси (effectiveness, efficiency, economy) қуидаги 2-расмда келтирилган тартибда бир бири билан ўзаро харакатда бўлади.



2-расм. Уч Е's тушунчасининг ўзаро муносабати².

Юқоридаги келтирилган тушунчаларни қуидагича ифодалаш мумкин.

Тежамкорлик “иш ва хизматларни арzonлаштириш” деган маънони англатади, яъни меҳнат ҳақи ҳаражатларини, хом ашёни сотиб олиш ҳаражатларини ва назорат остидаги бошқа ашёлар ҳаражатлари. Режалаштирилган ресурс билан ҳақиқий қўйилган сарфланган ресурс (таннарх ўлчови бирликлари кўрсаткичларга нисбатан)нинг ўзаро нисбати тушунилади.

Унумдорлик “ишлиарни энг мақбул йўл билан бажариш” деган маънони англатади, яъни масалан, кераксиз сарфлар ва такрор қилинадиган ишлиардан қочадиган яхши тизим асосида. Ҳақиқий қўйилган ресурс билан ҳақиқий ишлаб чиқариш ўртасидаги ўзаро нисбат унумдорликни англатади.

Самарадорлик “зарур бўлган ишлиарни бажариш” деган маънони билдиради, мисол учун белгиланган мақсадларга эришиш, ҳақиқий ишлаб чиқариш билан режалаштирилган ишлаб чиқариш (масалан режалаштирилган мақсадлар) ўртасидаги ўзаро нисбат самарадорликни ифодалайди[2].

Операцион аудитни ўтказишдан олдин унумдорлик ва самарадорликни ифодаловчи алоҳида мезонларни аниқлаб олиш зарур. Мезонлар қонун, норматив ҳужжатлар, андозалар, маҳсус талаблар, ўлчовлар, кутилаётган

² Муаллифлар томонидан ишлаб чиқилган

кўрсаткичлар, аниқ бизнес жараёнлар, шунингдек унумдорликни таққослайдиган ва баҳолайдиган мезонларга ажратилиши мумкин. Масалан, самарадорликка тегишли маҳсус мезонлар белгиланиши мумкин, яъни энг юқори самарадор операциялар деганда нима тушунилади? Бунинг учун, агарда иккита одатий ишлаб чиқариш жараёнида бир хил сифатга эга маҳсулотлар ишлаб чиқаришга эришилса, энг кам харажат қилинган жараён самаралироқ деб баҳоланади.

Самарадор операцияларни аниқлаш ва уларга тўғри баҳо бериш учун аудитор дастлабки навбатда самарасиз жараёнларни аниқлаши ва унинг кўринишлари тўғрисида маълумотга эга бўлиши керак.

1-жадвал

Самарасизликнинг айrim кўринишлари

Самарасизликнинг кўринишлари	Масалан
Товар ва хизматларни сотиб олиш жуда қимматга тушганлиги	Мазкур турдаги материалларни сотиб олиш зарурати йўқ
Керакли пайтда ишлаб чиқариш учун материалларнинг мавжуд бўлмаслиги	Ишлаб чиқариш тўхтатилади, чунки материалларга буюртма қилинмаган
Ходимлар ишининг тақрорланганлиги	Бир хил турдаги ишлаб чиқариш хужжатлари бухгалтерия бўлимида ҳам ишлаб чиқариш бўлимида ҳам юритилади, чунки мазкур бўлинмалар бир-бирининг фаолиятидан хабардор эмас
Фойдасиз иш бажарилганлиги	Счет – фактура ва юк хатлари ишлаб чиқариш бўлимига жўнатилади, йигилади, лекин фойдаланилмайди
Ортиқча ходимларнинг мавжудлиги	Офисдаги иш самарали бажарилиши мумкин, агарда котиблар штати биттага кисқартирилганда

Жадвалда операцион аудит жараёнида аниқланиши мумкин бўлган ва амалиётда тез–тез учраб турадиган самарасиз ишларнинг турли хил шакллари кўриб ўтилган[3].

Одатда операцион аудитни бошлашдан олдин имкон қадар аниқ мезонларни белгилаб олиш зарур ҳисобланади. Маҳсус мезонларни ишлаб чиқиша фойдаланиш мумкин бўлган бир қатор манбалар мавжуд. Булар қаторига қўйидагиларни киритиш мумкин:

• **Амалдаги ҳолат.** Оддий мезонлар мажмуи ўтган ҳисбот даврига тегишли ҳақиқий натижаларга асосланиши мумкин. Мазкур мезонлар асосини бизнеснинг айrim турлари ўзаро таққосланганда “яхшироқ”, “ёмонроқ” ёки ўзгаришсизлигини аниқловчи гоялар ташкил этади. Бу мезонларнинг осон белгиланиши уларнинг устун тарафи ҳисобланади, лекин улар бизга текширилаётган хўжалик тизимининг “яхши” ёки “ёмон” фаолият юритилаётганлиги ҳақида чуқур тушунишни бермайди.

• **Таққосланиши мумкин бўлган унумдорлик.** Аудиторлик текширувидан ўтаётган хўжалик обьектлари одатда ўз соҳасида ягона эмас, яъни шу бирлашма ёки унинг ташқарисида турли хил ўхшаш тизимлар мавжуд. Бундай ҳолатда хўжалик субъектларининг унумдорлиги таққосланиши мезонларни ишлаб чиқишининг ишончли манбаси бўлиб хизмат қиласи.

• **Техник андозалар.** Операцион аудитга тегишли шартнома турлари учун техник андозаларга асосланган мезонларни ишлаб чиқиш мақсадга мувофиқдир. Масалан маҳсулот ишлаб чиқариш меъёрларини аниқлаш учун яrim тайёр маҳсулотларнинг ҳаракат йўналиши ва вақт сарфини аниқлаш. Бундай турдаги мезонларни яратишга кўп вақт ва маблағ сарфланади, ёки жиддий экспертиза талаб этилади. Шунга қарамасдан улар унумдорлик билан боғлиқ асосий муаммоларни ҳал этишда самарадор бўлиши ва сарфланган харажатларни оқлаши мумкин.

• **Муҳокама ва ўзаро келишии.** Баъзан объектив мезонларни яратиш жуда мураккаб ва қимматга тушади. У ҳолда уларга муҳокама ва ўзаро келишув орқали эга бўлиш мумкин. Мазкур жараёнга жалб қилинадиган томонлар сифатида текширилаётган мижознинг маъмурияти, операцион аудиторлар ва аудиторлик хуносаси тузиладиган бўлинма ёки шахс бўлиши лозим.

Хуроса ўрнида шуни таъкидлашимиз жоизки, мамлакатимизда олиб борилаётган иқтисодиётдаги таркибий ўзгаришлар жараёнида операцион аудитнинг вужудга келиши ва аудиторлик ташкилотлари хизматларида пайдо бўлиши аудиторлик фаолияти ривожланишининг навбатдаги даражага кўтаради. Аудиторлик ташкилотлари ёки ички аудиторлар томонидан операцион аудитнинг ўтказилиши хўжалик юритувчи субъектларнинг фаолиятини баҳолаш ҳамда уларнинг узок муддатга мўлжалланган стратегик режаларининг самарадорлигини аниқлаш имконини беради.

АДАБИЁТЛАР РЎЙХАТИ

1. Ўзбекистон Республикаси Президентининг “Акциядорлик жамиятларида замонавий корпоратив бошқарув услубларини жорий этиш чора – тадбирлари тўғрисида” Фармони. 2015 йил 24 апрель.

2. Chambers, Andrew D. The operational auditing handbook: auditing business and IT processes. —2nd ed. John Wiley & Sons, 2010. - 862 p.

3. Alvin A. Arens, Randal J. Elder, Mark S. Beasley. Auditing and Assurance Services: an integrated approach. – 14 ed., 2012. – 850 p.

4. Нетикша О. Эффективность операционного аудита. (Электрон манба). Финансовый директор №3, 2008 г.